



Bab : Jaiz / Najaiz Cheeze

Fasl : Huquq / Aadab

Sawal No : 238

Upload Date : 06-07-2024

Topic : Logo Ki Sahulat Ke Liye Banaye Gaye Rules Follow Karna

Sawal : Masjid / Madrasa / Dini Ijtimaa't / Marriage Hall Etc... Jesi Jaghe Jaha Par Log Jama Hote Hai, Vaha Par Intizam Karne Wale Hazraat Apni Taraf Se Logo Ki Sahulat Ke Liye Kuch Rules Banate Hai, Jese Parking Yaha Karo, Kursi Yaha Rakkho, Etc... To Kya In Sab Rules Ko Follow Karne Me Sawab Milega ? Isi Tarah Agar Koi Follow Nahi Karta Hai, Aur Nizam Kharab Karta Hai, Jis Se Logo Ko Takleef Hoti Hai, To Aese Shakhs Ke Bare Me Kya Hukm Hai ?

Jawab : Masjid / Madarsa / Dini Ijtimaa't / Marriage Hall Etc... Jesi Jagho Par Management Committee Jo Rules Banati Hai, Un Ka Maksad Logo Ko Rahat Aur Sahulat Pohchana Aur Takleef Se Bachana Hota Hai.

- **Ab Agar Koi Shakhs Rules Ko Follow Karta Hai, Jis Se Dusre Logo Ko Rahat Aur Sahulat Hoti Hai, To Vo Logo Ko Rahat Pohchane Ki Vajah Se Sawab Ka Haqdaar Hoga.**
- **Isi Tarah Agar Koi Shakhs Rules Ko Follow Nahi Karta Hai, Jis Ki Vajah Se Logo Ko Takleef Hoti Hai, Nizaam Kharab Hota Hai, To Aesa Shaks Dusre Logo Ko Takleef**

Pohchane Ki Vajah Se Gunahgaar Hoga, Kyo Ke Shariyat Ne Dusro Ko Takleef Dene Se Mana Kiya Hai.

■ Khulasa Ye Hai, Ke Sawab Aur Gunah Ka Daromadar Management Committee Ke Rules Nahi Hai, Balke Logo Ko Rahat Pohchana Aur Takleef Dena Hai. Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER